

**Broj:1-25-16-4-2002-19/18****Datum, 07.09.2018.godine**

Na osnovu člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09), člana 64. stav (1) tačka b), člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14), člana 20. i člana 24. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj: 63/10), člana 8. stav (2) tačka f) Pravilnika o uspostavljanju i radu Komisije za nabavke („Službeni glasnik BiH“ broj: 103/14), na preporuku Komisije za javnu nabavku broj: 1-25-16-4-2002-17/18 od 06.08.2018.godine za nabavku usluga sanitarne zaštite deratizacije, dezinfekcije i dezinsekcije prostorija Agencije za pružanje usluga u zračnoj plovidbi BiH direktor Agencije za pružanje usluga u zračnoj plovidbi BiH, na osnovu zaključka sa 74. sjednice Agencije održane dana 29.08.2018. godine donosi:

### **ODLUKU**

**o izboru najpovoljnijeg ponuđača u postupku nabavke usluga sanitarne zaštite deratizacije, dezinfekcije i dezinsekcije prostorija Agencije za pružanje usluga u zračnoj plovidbi BiH (LOT 1)**

#### **Član 1.**

Prihvata se preporuka Komisije za javnu nabavku broj: 1-25-16-4-2002-11/17 06.08.2018. godine i ugovor za javnu nabavku usluga sanitarne zaštite deratizacije, dezinfekcije i dezinsekcije prostorija Agencije za pružanje usluga u zračnoj plovidbi BiH (LOT 1) dodjeljuje se ponuđaču **Sanitacija d.o.o., Malta br.17, 71 000 Sarajevo**, s ukupnom ponudenom cijenom u iznosu od **22.000, 00 KM** bez PDV-a, prema ponudi broj: 22-07/18.

#### **Član 2.**

Ova Odluka objavit će se na web-stranici [www.bhansa.gov.ba](http://www.bhansa.gov.ba) istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

#### **Član 3.**

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Na osnovu Odluke o pokretanju postupka za nabavku usluga sanitarne zaštite deratizacije, dezinfekcije i dezinsekcije prostorija Agencije za pružanje usluga u zračnoj plovidbi BiH, broj: 1-11-16-4-2002-1/18 od 22.05.2018. Komisija je pokrenula postupak javne nabave po metodi „otvoreni postupak“.

Obavještenje o nabavci objavljeno je na portalu javnih nabavka broj: 1250-1-2-104-3-56/18 od 05.07.2018.godine. Sažetak Obavještenja o nabavci objavljen je u „Službenom glasniku BiH“ broj: 48/18.

Do krajnjeg roka za preuzimanje tenderske dokumentacije istu su sa portala javnih nabavki preuzeli sljedeći ponuđači:

1. IDS-ZDRAVA SREDINA D.O.O
2. EKAPIJA DOO
3. BBS EUROPE
4. SANACIJA 3D D.O.O.
5. ZAVOD ZA JAVNO ZDRAVSTVO KANTONA SARAJEVO
6. KRISTAL D.O.O.
7. J.U. DOM ZDRAVLJA STARI GRAD MOSTAR
8. ZAVOD ZA ZDRAVSTVENU ZAŠTITU RADNIKA U SAOBRAĆAJU SARAJEVO
9. SANITACIJA D.O.O.
10. DEZITOX-SANITARCI D.O.O. SARAJEVO
11. VEGA-MIX SANITACIJA D.O.O.
12. D.O.O. "SANITACIJA" ZVORNIK
13. "SANIT" D.O.O. TUZLA
14. ID-EKO D.O.O. ZA DEZINFEKCIJU, DEZINSEKCIJU I DERATIZACIJU ČAPLJINA
15. EKO-MEDIC D.O.O.
16. EKO-TIM DOO SARAJEVO

Na sjednici održanoj dana 03.08.2018.godine u 12.30 sati, Komisija je konstatirala da su u predviđenom roku, pristigle zapakirane ponude sljedećih ponuđača i to:

1. Sanacija 3D d.o.o., Nadežde Petrović 18 do, 71 000 Sarajevo
2. International Delivery System - Zdrava sredina d.o.o. Sarajevo, Terezije bb, 71 000 Sarajevo
3. Sanitacija d.o.o., Malta br 17, 71 000 Sarajevo
4. Vega-Mix Sanitacija d.o.o., Ul. Rudarska br.61, 75 000 Tuzla

Komisija je u skladu s odredbama ZJN, pristupila otvaranju ponuda o čemu je sačinjen poseban zapisnik koji je u zakonskom roku dostavljen ponuđačima. Nakon otvaranja ponuda Komisija je nastavila rad na analizi pristiglih ponuda, te izvršila ocjenjivanje istih prema kriterijima definiranim tenderskom dokumentacijom.

Komisija je utvrdila da je ponuda ponuđača Sanitacija d.o.o. Sarajevo sačinjena u skladu sa tenderskom dokumentacijom, odnosno ista je prihvatljiva.

Nadalje, uvidom u ponudu ponuđača International Delivery System Zdrava sredina d.o.o. komisija je utvrdila sljedeće:

U Aneksu 3 (Obrazac za dostavljanje ponude) neispravno je naveden datum obavještenja o nabavci, odnosno obavještenje o nabavci objavljeno je dana 05.07.2018. godine, a ne 04.07.2018. godine kao što je ponuđač naveo u spomenutom obrascu. Također, u točki 5 Obrasca za dostavljanje ponuda propisano je kako se broj dana ili mjeseci upisuju i broičano i slovima, a ponuđač je period važenja ponuda upisao samo broičano.

U Aneksu 5 (Izjava o ispunjenosti uvjeta iz člana 45. stav (1) točka od a) do d) Zakona o javnim nabavkama, u dijelu predviđenom da se upiše broj obavještenja o javnoj nabavci nije upisan broj obavještenja o javnoj nabavci.

U Aneksu 6 (Pismena izjava iz člana 52. Zakona o javnim nabavkama) u dijelu predviđenom da se upiše broj lične karte, mjesto izdavanja iste te broj obavještenja o nabavci, navedeno nije upisano.

Detaljnou analizom dostavljene ponude utvrđeno je da ponuđač nije ispunio izjave iz člana 45., i 52. Zakona o javnim nabavkama sukladno zahtjevima iz tenderske dokumentacije. Naime, Izjave su nepotpune što je u suprotnosti sa formom navedenih izjava koja je precizno propisana Uputstvom

za pripremu modela tenderske dokumentacije i ponuda („Službeni glasnik BiH“, broj: 90/14 i 20/15). Forma Izjave je propisana i Aneksima tenderske dokumentacije.

Ugovorni organ napominje da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uvjete tenderskom dokumentacijom, zakonskim i podzakonskim aktima, te da svako pogrešno popunjavanje ili nepopunjavanje Izjave ili njenog obaveznog dijela, a koja je kao takva propisana od strane Agencije za javne nabavke BiH sa svim obaveznim elementima, čini povredu postupka.

Detaljnom analizom ponude ponuđača Sanacija 3D d.o.o. utvrđeno je kako ponuđač nije dostavio kopiju ponude u skladu sa tačkom 14.2 tenderske dokumentacije.

Komisija je pregledom ponude ponuđača Vega-Mix Sanitacija d.o.o utvrdila kako je u Aneksu 3 (Obrazac za dostavljanje ponude) neispravno naveden period važenja ponuda. Ponuđač Vega-Mix Sanitacija d.o.o u spomenutom obrascu je kao period važenja ponude naveo 30.11.2017. godine. Također, u istoj tački Obrasca za dostavljanje ponuda propisano je kako se broj dana ili mjeseci upisuju i brojačano i slovima, a ponuđač je u svojoj ponudi period važenja ponuda upisao samo brojačano.

Napominjemo kako je članom 57. stav (1) Zakona o javnim nabavkama propisano kako su ponuđači dužni pridržavati se zahtjeva i uvjeta iz tenderske dokumentacije. Također, članom 68. stav (4) tačka i) Zakona o javnim nabavkama propisano je da ugovorni organ odbacuje ponudu koja nije potpuna i koja ne ispunjava zahtjeve iz tenderske dokumentacije.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom. Ugovor za javnu nabavku usluga sanitarne zaštite deratizacije, dezinfekcije i dezinsekcije prostorija Agencije za pružanje usluga u zračnoj plovidbi BiH (LOT 1) dodjeljuje se ponuđaču **Sanitacija d.o.o., Malta br.17, 71 000 Sarajevo**, s ukupnom ponuđenom cijenom u iznosu od **22.000, 00 KM** bez PDV-a, prema ponudi broj: 22-07/18.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u članu 1. ove Odluke.

#### **POUKA O PRAVNOM LIJEKU**

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

#### **Dostaviti:**

- Ponuđaču
- Web stranica BHANSA-e
- a/a



